

Siv Tshuaj Acetaminophen Thaum Lub Cev Xeeb Menyuum

Thaum lub cev xeeb menyuum yog ib lub sijhawm uas muaj lus nug thiab muaj kev txiav txim ntau yam. Ib lo lus nquag nug ces yog seb puas zoo rau noj tshuaj acetaminophen, lossis nquag hu ua Tylenol.

Acetaminophen yog ib yam tshuaj uas nyab xeeb thiab tso siab tau los mus pab txo kev mob ib ces los yog kev ua npaws kub taub hau thaum lub cev tab tom xeeb menyuum.

Kev ua npaws kub taub hau thaum lub cev xeeb menyuum ua rau muaj kev txhawj ntau yam tuaj.

- Lub sijhawm txhawj xeeb tshaj plaws thaum ua npaws kub taub hau ces yog thaum nyuam qhuav pib xeeb menyuum thiab thaum thawj peb lub hlis vim muaj kev nce siab rau qee yam mob (khis ncauj/qhov ncauj, mob plawv, thiab muaj autism tau rau tus menyuum hauv plab) thiab muaj feem nchuav tau menyuum.
- Thaum xeeb menyuum hauv plab ntev zog mus, kev ua npaws ua tau rau mob plab thiab yug menyuum ntxov.

Kev muaj autism thiab kev siv tshuaj acetaminophen thaum lub cev xeeb menyuum

Kev muaj autism tsis yog yuav tim ib yam twg nkaus xwb. Kev tshawb fawb pom hais tias muaj ntau yam los sib xyaws xws li caj ces, roj ntsha, thiab tej yam uas nyob ib puag ncig tej zaum muaj feem xyuam rau ib tug menyuum muaj tau autism.

Muaj kev tshawb fawb thaum xyoo 2024 uas koom nrog rau 2.4 lab tus menyuum pom tias kev noj tshuaj acetaminophen thaum xeeb menyuum tsis muaj feem xyuam ua rau tus menyuum yuav muaj autism, mob attention deficit hyperactivity disorder, lossis muaj kev nyuaj rau kev paub kev kawm.

Kawm ntxiv txog [Autism Spectrum Disorder](http://www.health.state.mn.us/diseases/autism/index.html) (www.health.state.mn.us/diseases/autism/index.html).

Kev pab kho mob lwm yam

Tseem ceeb rau paub hais tias lwm yam kev txo mob ntauw ib ce xws li noj tshuaj Ibuprofen kuj muaj qhov tsis zoo rau thaum lub cev xeeb menyuum, uas suav nrog rau:

- Teeb meem rau tus menyuum hauv plab lub plawv
- Cov kua dej (amniotic fluid) uas nyob nrog tus menyuum hauv plab poob qis
- Muaj feem xyuam nchuav tau menyuum

Cov neeg uas tab tom xeeb menyuum yuav tsum tham nrog lawv tus kws kho mob txog kev sau lossis kev yuav tshuaj los noj, koom nrog rau cov tshuaj acetaminophen thiab.

Lwm yam kev pab ntxiv

- **American College of Obstetricians & Gynecologists:** [ACOG Lees Paub Kev Nyab Xeeb thiab Txiag Ntsig Ntauw Tshuaj Acetaminophen thaum Lub Cev Xeeb Menyuum](https://www.acog.org/news/newsreleases/2025/09/acog-affirms-safetybenefits-acetaminophen-pregnancy) (<https://www.acog.org/news/newsreleases/2025/09/acog-affirms-safetybenefits-acetaminophen-pregnancy>)
- **Society for Maternal Fetal Medicine:** [SMFM Cov Lus Hais Txog Kev Siv Tshuaj Acetaminophen Thaum Lub Cev Xeeb Menyuum thiab Kev Muaj Autism](https://www.smfm.org/news/smfmstatement-on-acetaminophen-use-duringpregnancy-and-autism) (<https://www.smfm.org/news/smfmstatement-on-acetaminophen-use-duringpregnancy-and-autism>)

- **American Academy of Pediatrics:** [Tshuai Acetaminophen Nyab Xeeb Rau Menyuum Yaus Thaum Siv Raws Li Qhia, Tsis Muaj Feem Xyuam rau Autism \(https://www.aap.org/en/news-room/factchecked/acetaminophen-is-safe-forchildren-when-taken-as-directed-no-link-toautism/ent-on-acetaminophen-use-duringpregnancy-and-autism\)](https://www.aap.org/en/news-room/factchecked/acetaminophen-is-safe-forchildren-when-taken-as-directed-no-link-toautism/ent-on-acetaminophen-use-duringpregnancy-and-autism)

Minnesota Department of Health
Child and Family Health Division
Maternal and Child Health Section
health.mch@state.mn.us, www.health.state.mn.us

*Yog xav tau cov ntaub ntawv no sau txawv qhov no
ces hu rau: 651-201-3650.*

1/2026